

Fesoasoani i le Tuagane Pepe

Saunia e Lucy Stevenson Ewell
(E faavae i se tala moni)

O lenei tala sa tupu i Aferika i Saute.

Sa i ai se tuagane pepe fou a Lashia. SO lona igoa o Liam. E uliuli pato'i lona lauulu ma lima ma vae laiti. Sa matuai aulelei o ia!

Ae o nisi taimi o le i ai o se pepe fou i le aiga sa faigata. Sa pisi i taimi uma Tina ma Tama i le taimi nei. Ma sa tele ina tagi Liam.

"Tina, e mafai ona e faitau mai se tala ia te a'u?" O le fesili lea a Lashia.

"E tatau ona ou faataele Liam i le tapu," o le tala lea a Tina. "Atonu e mafai ona lua faitauina se tala ma Ariana."

Sa saofafai i lalo Lashia i luga o le fola ma lona uso laitiiti. Sa la susue i itulau o se tusi. Ae sa le tutusa e aunoa ma Tina.

"Tama, e mafai ona ta taaalo?" O le fesili lea a Lashia.

"E tatau ona ou fesoasoani ia Tina i le pepe ae ou te le'i alu e faigaluega," o le tala lea a Tama.

Sa faauu Lashia. Ua le toe i ai se taimi o Tina ma Tama mo ia i le taimi nei! O taimi uma sa fesoasoani ai i laua ia Liam.

E le'i umi ae alu Tama i le galuega. Sa tuu e Tina Liam i lalo mo sina moe. Sa latou saofafai faatasi ma Lashia ma Ariana i luga o le nofoa. Sa vaai lona vaivai.

E leai se tasi na i ai se taimi mo Lashia i le taimi nei.



"Sa ma pisi tele ia Liam," o le tala lea a Tina. "Pe na lua lagonaina sina tuuatoatasi?"

Sa luelue le ulu o Lashia. Sa ia lagona le pei e fia tagi o ia.

Sa fusi e Tina ia Lashia ma Ariana. "E manaomia e Liam le tele o le fesoasoani i le taimi nei ona e laitiiti tele o ia. E le mafai ona ia faia se mea na o ia lava, e pei ona oulua mafaia."

"Ua ou iloa," sa fai atu ai Lashia.

"Ae afai e te manao ai, e mafai ona e fesoasoani mai ia te a'u e tausi Liam." Sa ataata Tinā.

"E mo'i?" O le fesili lea a Lashia. Sa fiafia o ia i lona manatu.

"E faapena foi a'u," na fai atu ai Ariana.

"O oe foi," o le tala lea a Tina.

E le'i umi ae amata ona tagi Liam. Ina ua sui e Tina lona napekini, sa aumaia e Lashia ia te ia le solo.

"Faafetai lava," o le tala lea a Tina.

O le aso na sosoo ai, ina ua fai se taelega a Liam, sa piki ai e Lashia ma Ariana se ofu

mama mo ia e ofuina. Sa i ai ni tamai manu aulelei i luga! Sa la'ua aumaia ia Tina ina ia mafai ona ia faaofuina Liam.

"Faafetai lava," o le tala lea a Tina.

Sa mafaufau Lashia ma Ariana i isi auala e fesoasoani ai. Sa la'ua faia o la moega i taeao taitasi e aunoa ma le faatonuina. O nisi taimi la te faia ai foi le moega o Tina ma Tama! Ma ina ua oo i le taimi o le Taumafataga o le afiafi, sa la fesoasoani ia Tama i le umukuka.

"Faafetai lava," o le tala lea a Tina ma Tama.

Ina ua tagi Liam, sa taumafai Lashia e fesoasoani ia te ia ia maua se lagona lelei. Sa ia siiina o ia ma talanoa atu ia te ia i se leo malu. Ae peitai sa le mafai ona fai atu Liam faafetai. Ae i se tasi aso sa ia ataata tele ai ia Lashia!

Sa toe ataata atu i ai Lashia. Sa fiafia o ia ona sa mafai ona ia fesoasoani i lona tuagane pepe ma lona tina ma lona tama foi! ●



Na faapefea ona fesoasoani Lashia i lona aiga?